



Broj:01- 1202 /2016.g.
Datum:28.07.2016.g.

Na osnovu člana 8. Zakona o ministarskim, vladinim i drugim imenovanjima (« Službene novine Federacije Bosne i Hercegovine» broj 12/03), člana 6. stav 3. Pravilnika o standardima i kriterijima za imenovanje članova skupština u javnim preduzećima i privrednim društvima prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“ broj:10/10) i člana 6. stav 3. Pravilnika o standardima i kriterijima za imenovanje članova Upravnih i Nadzornih odbora u privrednim društvima, preduzećima i ustanovama prema kojima ovlaštenja i obaveze po osnovu državnog kapitala imaju organi Općine Travnik („Službene novine Općine Travnik“ broj:5/14), načelnik Općine Travnik, u postuku imenovanja na pozicije u skupštinama javnih preduzeća i privrednih društava i poziciju Nadzornog odbora JKP čiji je osnivač Općine Travnik, načelnik Općine Travnik, **o b j a v l j u j e**

PONOVNI JAVNI OGLAS
za izbor i imenovanje predsjednika i članova Skupština javnih preduzeća i
privrednih društava i izbor i imenovanje Nadzornog odbora JKP čiji je osnivač
Općina Travnik

I- Opće odredbe

Objavljuje se javni oglas za izbor i imenovanje predsjednika i članova Skupština javnih preduzeća i privrednih društava i izbor i imenovanja Upravnog odbora JU čiji je osnivač Općina Travnik i to:

II-Broj članova i struktura

a) Skupštine

1. JKP „Trebišnjica“ d.o.o. Nova Bila-Travnik
 - član skupštine 1 pozicije
2. JP „STAN“ Travnik
 - član skupštine 2 pozicije

b) Nadzorni odbor :

1. JKP „Trebišnjica“ d.o.o. Nova Bila - Travnik 1 pozicija iz reda uposlenih

III – Nadležnosti

Sjednicama Skupštine rukovodi predsjednik skupštine javnog preduzeća, odnosno privrednog društva.

Predsjednik Skupštine nadležan je, u saradnji sa direktorom javnog preduzeća, odnosno direktorom privrednog društva starati se o pripremi materijala za sjednice Skupštine, o izvršavanju akata Skupštine i obaveza prema Općini Travnik, te vršiti i druge poslove utvrđene Statutom i drugim aktima preduzeća odnosno društva.

Nadležnosti predsjednika i članova skupštine odnosno Nadzornog odbora utvrđeni su Zakonom o javnim preduzećima i Zakonom o privrednim društvima i statutima javnih preduzeća, odnosno privrednih društava.

Predsjednik i članovi skupština odnosno Nadzornog odbora imenuju se na period od 4 (četiri) godine.

Imenovane osobe imaju pravo na naknadu u skladu sa Zakonom.

III – Uslovi za izbor i imenovanje

Svi kandidati za pozicije u Skupštinama javnih preduzeća, odnosno privrednih društava, kao i kandidati za poziciju u Nadzornom odboru koji su predmet ovog javnog oglasa moraju ispunjavati sljedeće:

- a) opće i
- b) posebne uslove

a) Opći uslovi;

- da su državljani BiH
- da su stariji od 18 godina
- da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3 godine prije dana objavljivanja upražnjene pozicije,
- da se na njih ne odnosi član IX.1. Ustava BiH,
- da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u F BiH (« Službene novine F BiH», broj 12/03),
- da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa («Službeni glasnik BiH», broj 16/02),
- da im nije pravosnažnom presudom nadležnog suda izrečena zabrana obavljanje aktivnosti koje su u nadležnosti preduzeća odnosno privrednog društva za koji se kandiduje,
- da nisu stariji od 65 godina na dan imenovanja
- da nisu član više od jednog Upravnog odbora ili Nadzornog odbora, odnosno odbora za reviziju.

b) Posebni uslovi;

- kandidat za predsjednika skupštine mora da ima najmanje VSŠ-Višu stručnu spremu -VI stepen,
- kandidati za člana skupštine moraju da imaju najmanje SSS-Srednju stručnu spremu,
- Kandidati za člana Nadzornog odbora ispred preduzeća moraju da imaju najmanje SSS-IV stepen,
- Kandidati za člana Skupštine moraju da imaju najmanje 3 godine radnog iskustva, a kandidati za člana Nadzornog odbora ispred preduzeća moraju da imaju najmanje 1 godinu radnog iskustva,
- da je uspješan privrednik-memadžer ili javni radnik,
- da posjeduju sposobnost nepristrasnog donošenja odluka, komunikacijske i organizacione sposobnosti,
- da posjeduje pozitivne rezultate rada ostvarene tokom poslovne karijere,
- preporuke ranijih neposrednih rukovodilaca (po mogućnosti).

IV - Potrebni dokumenti

Uz prijavu na javni oglas kandidati su dužni priložiti sljedeću dokumentaciju (**orginali ili ovjerena kopija**):

- kraću biografiju, adresu i kontakt telefon,
- uvjerenje o državljanstvu,
- izvod iz matične knjige rođenih,
- uvjerenje o nevođenju krivičnog postupka od nadležnog kantonalnog suda ne starije od 3 mjeseca,
- diplomu o školskoj spremi,
- uvjerenje o radnom iskustvu u struci,
- uvjerenje od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa,
- Izjave ovjerene u općini ili kod notara da se na kandidata ne odnosi član IX.1. Ustava BiH i da nisu na poziciji u zakonodavnoj, izvršnoj ili sudskoj vlasti u smislu Zakona o sukobu interesa («Službeni glasnik BiH», broj 16/02),

Svi kandidati koji budu ispunjavali opće i posebne uslove, odnosno budu stavljeni na listu sa užim izborom bit će pozvani na intervju.

Prije intervjuja Komisija može tražiti od neposrednih ranijih rukovodilaca, preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme srodnog zanimanja.

Nakon intervjuja Komisija za izbor će predložiti rang listu sa najboljim kandidatima i dostaviti Općinskom vijeću Travnik na dalje razmatranje i konačno imenovanje.

Konačno imenovanje će se objaviti u «Službenim novinama Općine Travnik».

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u F BiH.

Prigovor na konačna imenovanja se podnosi Općinskom vijeću Travnik.

Javni oglas ostaje otvoren 15 dana od dana objavljivanja u «Službenim novinama Federacije BiH», web stranici Općine Travnik i Oglasnoj tabli općine Travnik.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa svim traženim dokumentima dostaviti lično ili poštom na adresu: Općina Travnik, Konatur bb, 72270 Travnik sa naznakom «prijava na Javni oglas za izbor i imenovanje članova Skupštine javnih preduzeća, odnosno privrednih društava» - NE OTVARAJ. U prijavi kandidati su dužni označiti na koju se poziciju kandiduju i za koje javno preduzeće, odnosno privredno društvo.

Neblagovremene i nepotpune prijave neće se uzeti u razmatranje.

NAČELNIK
Admir Hadžiemrić, dipl.ecc

